

金
新
菴
贈
品

松
石
高
主
求

遼東文獻徵略

遼東文獻徵略

許成琮署



丁卯鋟板
不許複製

凡例

一近時藩鎮割據多以方隅自號如吾遼東則稱東北實嫌廣

漠攷漢之遼東郡全有今奉天一省之地

本李氏桂林說

此明代設

遼東都司之所本方輿紀要以東北諸族部附於遼東諸城
邑之後亦取此義本編所述以奉天省舊事爲夥故以遼東
命名而以吉黑兩省及東蒙故實附益之

一本編所述諸事多係隨筆撫拾故無一定體例既有所知則
述之不厭其詳苟無所知則概從闕略但於一事而求其備
不於事事而期其全蓋劄記體與專門著述不同也意在供
他日修志者漁獵採伐之資非敢侈言述作

一前人考東北地理者每多疏舛尤以遼金二史地理志爲最
盛京通志因訛承訛疑誤後學匪淺如挹婁國忽汗城黃龍
府皆在吉林省境內而舊志云皆在奉天省清始祖所居之
地本在長白山附近而舊志以吉林省之敖東城當之皆所
謂差之毫釐謬以千里者本編郡邑一門於此辨析最詳卽
有前人已考見及此而引證未備者亦復不憚辭費一一辨
之

一前人考論東北山川者以未身履其地殊多鑿空之論如長
白山本因終年爲積雪所掩一望皆白得名而論者乃謂此
山爲白衣觀音所居草木禽獸皆白色則臆說矣又黑水本

爲松花江之別稱洪忠宣謂以掬其水色微黑得名於是唐人置黑水府之言始有著落而論者以今之黑龍江當之不知其在極北爲國人足跡所罕至也本編山川一門於此辨析亦詳依此求之其疑誤而待正者更不知凡幾矣

一青浦王氏金石萃編考論前代碑版首列原文次繫證義使讀者不必覓求原拓而本末兼具其法最善本編金石一門壹遵王氏之法分晰疏舉多爲從前未見之本足補史乘之闕致足珍貴

一人物門列舉諸氏多爲文人逸士或其行誼學術爲世人不盡知者博考諸書有見必錄隻字不遺如邴原所居之三山

趙至所居之遼東皆爲疏舉多證務求其實金史闕王遵古

傳

金史王政傳云子遵古有傳而今本無之

可用元遣山所撰王黃華墓誌及中

州集遼古小傳補之遼東三老中之戴亨行誼無考可以金

兆燕所撰戴梓傳補之

梓爲亨之父

類此者甚多蒐集之際頗費

尋檢

一前古紀遼東故實之書寥寥可數唐賈耽邊州道里記宋許

充宗奉使行程記僅記奉使道里著墨不多惟洪忠宣居冷

山最久紀載在金國見聞卷帙頗富然以出境有禁不得携

歸南方遂至散佚今所傳松漠紀聞二卷乃其晚年追錄之

作輒具大略而已然在今日考雞林故事者必以此書爲依

據良以所紀胥由目覩而來故可貴耳至遼東先正自著之書可攷見者亦不下數百種乃從無一人爲之撿剔爬疏撰列一表以資來學之訪求者茲編特立典籍一門甄敍終始粗明條貫補遺輯佚尙有待於方聞

一考徵文獻門類至繁本編各門僅舉所知以入錄非求備體前已言之矣凡不屬於郡邑山川金石人物典籍五門者併爲一門題曰雜錄不立專名以免不能徧舉之失

一本編爲草創之稿罣漏殊多並世通儒碩學如肯繩愆糾謬自當應時改正其有遼東文獻故實爲本編所不及述者尤望委曲開示以便賡續纂輯於再版時增入

一本編所述僅能舉其崖略尙擬博訪周諮別撰分類詳本懸
定之目曰耆獻錄曰文徵曰詩徵曰金石志特以篇帙繁重
殺青需時先刊此編以餉讀者

引用書目

史記

新唐書

漢書

遼史

後漢書

金史

三國志

元史

晉書

明史

魏書

東華錄

隋書

魏略輯本

北史

渤海國志

唐宴

舊唐書

契丹國志

大金國志

遼東志

明紀

陳鶴

盛京通志

清朝全史

日人稻葉君山

吉林通志

通典

瀋陽縣志

續通典

開原縣志

續通志

甯安縣志

文獻通考

遼陽鄉土志

皇朝續文獻通考

吉林地理紀要

魏聲餘

讀史方輿紀要

顧祖禹

八旗通志

鐵保等

大清一統志

賈耽邊州道里記考實

吳承志

松漠紀聞

宋洪皓

中州集

元好問

北盟會編

拙軒集

王寂

京東考古錄

顧炎武

谷音

杜本

中國史

呂思勉

熙朝雅頌集

鐵保

東洋史

王桐齡

國朝詩別裁集

沈德潛

清建國別記

章炳麟

日知錄

顧炎武

國朝先正事略

李元度

經世文編

賀長齡

國朝詩人徵略

張維屏

昌黎先生集

國朝耆獻類徵

李桓

元遺山文集

元好問

水經注

潛研堂全集

錢大昕

金石萃編

王昶

嘯亭雜錄

清宗室昭璉

東三省古蹟佚聞

諸葛忠武侯誌

劉廷璣刊

四庫全書簡明目錄

汪氏雙節堂贈言叢刻

汪輝祖

歷代名人年譜

吳榮光

詞科掌錄

杭世駿

明督撫年表

吳廷燮

八旗文經

盛昱

歷代輿地圖

楊守敬

白山詞介

楊鍾羲

畫禪室隨筆

董其昌

湖山雜詠

王緯

閱微草堂筆記

紀昀

靜觀齋叢錄

世榮

隨園詩話

袁枚

瓜圃叢刊敘錄

金梁

同遊千山詩錄

王爾烈鈔本

中國美術

戴嶽譯本

輿地釋略

景方昶

梵天廬筆記

遼東文獻徵略敘錄

敘曰周禮職方氏東北曰幽州其山鎮曰醫無閭鄭注云醫巫閭在遼東此言東北地理之最古者遼東之名始見於史記燕世家及匈奴列傳特語焉不詳自東晉以後遼東一隅淪於異族燕慕容氏渤海大氏亡也忽焉無足述己金清二代奮跡東北前者則橫厲中原後者則統一區夏以遼東爲豐沛舊鄉崇隆備至然考之金史地理志盛京通志皆因書闕有間紀載多疏蓋考求東北地理之難有如此者以蒙所知唐賈耽邊州入四夷道里記記載東北方隅里到精塙可據不得以寥寥短篇少之餘如宋許充宗之奉使行程記洪皓之松漠紀聞清楊賓

之柳邊紀略胥爲考證東北地理必讀之書而前人罕稱引之
何耶金人元好問撰中州集錄遼東人之詩百餘首而盛京通
志所錄乃甚寥寥至如王遵古王澹之徒皆金人之卓卓者亦
於人物志無傳其疏略可知已鐵保熙朝雅頌集盛昱八旗文
經所錄八旗人之詩文大半爲遼東先正之作以其成書於修
志之後尙有待於補苴類此者非一事也光緒十八年李桂林
等所撰吉林通志考究東北地理持論精覈能詳人之所不能
詳近人興義景明久方昶有考證東北地理之劄記所論亦至
堅塙瀋陽世仁甫先生撰靜觀齋叢錄甄錄遼東先正之作得
數十首竊用稱歎此熙朝雅頌之嗣音也過此以往則未之有

知北遊以來從公餘晷博稽古書參以目驗歲月不居得若干
事次爲八卷題曰遼東文獻徵略文謂典籍獻謂賢者凡所甄
采必有依據故曰徵也隨筆撫拾不成條貫故曰略也雖復浚
濶未深舉一遺百然於荒渺無稽之譏勦說雷同之病庶幾免
焉訓方之學其事至艱率爾操觚詎有一當然學問者天下之
公器非一人所得私舉吾之所知以告人則人可因吾之所已
知以求其所未知因端竟緒沿流溯源則來日之所得或有倍
蓰什伯於今日者且蒙書之疏外或有甚於昔賢不表曝於當
世以博求通人之諛正則亦何從而知其失乎語曰後生可畏
來者難誣茲編所述胥由鈔最而成網羅放失體同筭記至於